



Broj: 01-02-1-814/17

Sarajevo, 27.3.2017.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
29.03.2017			
PRIMLJENO			
Organizaciona jedinica	Klasifikaciona oznaka	Redni broj	Broj priloga

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor daje

MIŠLJENJE

o usklađenosti Prijedloga zakona o izmjeni i dopunama Zakona o zaštiti i dobrobiti životinja s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama Bosne i Hercegovine

Predsjedavajući Predstavničkog doma Parlamentarne skupštine BiH je aktom broj: 01-02-1-814/17, od 24.3.2017., dostavio Prijedlog zakona o izmjeni i dopunama Zakona o zaštiti i dobrobiti životinja (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma Parlamentarne skupštine BiH (u daljnjem tekstu: Poslovnik) te Jedinstvenim pravilima za izradu pravnih propisa u institucijama BiH.

Prijedlog zakona podnio je Predrag Kožul, poslanik u Predstavničkom domu Parlamentarne skupštine BiH, kao ovlašteni predlagač.

I. Usklađenost s odredbama Poslovnika

Tekst Prijedloga zakona je, u skladu s članom 105. stav (1) Poslovnika, podnesen u pisanoj i elektronskoj formi, na hrvatskom jeziku.

Uz Prijedlog zakona dostavljeno je obrazloženje koje sadrži elemente propisane članom 105. stav (3) tač. a), b), c) i d) Poslovnika:

1. ustavni osnov;
2. razloge za donošenje zakona;
3. obrazloženje pojedinih odredbi zakona;
4. principe na kojima je zasnovan Prijedlog zakona;
5. finansijska sredstva potrebna za provođenje zakona.

U skladu s članom 105. stav (4) Poslovnika, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.

Uz Prijedlog zakona priložene su odredbe članova koje se mijenjaju, odnosno dopunjavaju, te prečišćeni tekst Zakona sa ugrađenim predloženim odredbama, što je u skladu sa članom 105. stav (5) Poslovnika.

S obzirom na navedeno, Prijedlog zakona *usklađen* je s članom 105. Poslovnika Predstavničkog doma.

II. Usklađenost s Jedinostvenim pravilima za izradu pravnih propisa u institucijama Bosne i Hercegovine (“Službeni glasnik BiH”, br. 11/05, 58/14 i 60/14)

Prijedlog zakona svojom strukturom, formom i stilom odražava pravila izrade pravnih propisa, te je *usklađen* s Jedinostvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).

Želimo skrenuti pažnju na član 1. Prijedloga zakona kojim se član 7. (član 7. nema naziva u osnovnom tekstu zakona) dopunjava odredbom da je „zabranjen uzgoj kućnih ljubimaca (pasa i mačaka) u svrhu proizvodnje krzna“.

U vezi s tim ukazujemo na odredbu člana 2. tačka h) Zakona kojim je već definiran pojam „kućni ljubimci“, pod kojim se podrazumijevaju: psi, domaće mačke, domaće ptice, mali glodari, terarijske, akvarijske i druge životinje, koje se uzgajaju ili drže zbog društva, rekreacije, zaštite ili pomoći čovjeku.

Rukovoditeljica
Zakonodavno-pravnog sektora


Mirjana Kutanjac

Dostaviti:

- naslovu

- a/a